

原序

全書紀畧

總目

傳忠錄

上

傳忠錄

中

景岳全書

二

卷

序

人情莫不欲壽恒諱疾而忌醫孰知延壽之方匪藥石不爲功得病之由多半服食不審致庸醫之悞人曰藥之不如其勿藥是由因噎廢食也原夫天地生物以好生爲心草木金石飛潛

溲渤之類皆可已病聽其人之
自取古之聖人又以天地之心
爲已心著爲素問難經定爲君
臣佐使方旨待其人善用之用
之善出爲良醫藥石方旨惟吾
所使壽夭榮謝之數自我操之
如執左券皆稽古之力也庸醫

反是執古方泥古法罔然不知
病所自起爲表爲裏爲虛爲實
一旦殺人不知自反反歸咎於
食忌洗其耻於方冊此不善學
者之過也故曰肱三折而成良
醫言有所試也不三世不服其
藥言有所受之也假試之知而

恠
俗怪字

貼
音帖當也

不行受之傳而不習已先病矣
已之不暇何暇於已人之病是
無恠乎忌醫者之紛紛也越人
張景岳豪傑士也先世以軍功
起家食祿千戶世襲指揮使結
髮讀書不貼貼章句初學萬人
敵得魚腹八陣不傳之秘仗策

遊俠往來燕冀間慨然有封狼
胥勒燕然之想榆林碣石鳳城
鴨江足跡幾徧投筆棄繻絕塞
失其天險談兵說劍壯士遜其
顏色所遇數奇未嘗俛首求合
也由是落落難偶浩歌歸里肆
力於軒岐之學以養其親遇有

危症世醫拱手得其一七矍然
起矣常出其平生之技著爲醫
學全書凡六十有四卷語其徒
曰醫之用藥猶用兵也治病如
治寇攘知寇所在精兵攻之兵
不血刃矣故所著書髣髴八陣
遺意古方經也新方權也經權


互用天下無難事矣書旣成限
於貲未及流傳而歿遺草屬諸
外孫林君曰蔚蔚載與南遊初
見賞於方伯魯公捐貲付梓板
成北去得其書者視爲肘後之
珍世罕見之予生平頗好稽古
猶專意於養生家言是書誠養

生之秘笈也惜其流傳不廣出
俸翻刻公諸宇內善讀其書者
庶免庸醫誤人之咎諱疾忌醫
者毋因噎而廢食也可

峇

康熙五十年歲次辛卯孟春兩
廣運使瀛海賈棠題於羊城

官舍之退思堂



家藏
知不足齋

我

皇上御極五十年惠政頻施仁
風洋溢民盡雍熙物無夭
札固無藉於靈樞素問之
書而後臻斯世於壽域也
雖然先文正公有言不爲
良相當爲良醫乃知有聖

君不可無良相而良醫之
權又與良相等醫之一道
又豈可忽乎哉自軒轅岐
伯而下代有奇人惟長沙
張仲景爲最著厥後或劉
或李或朱竝能以良醫名
然其得力處不能不各循

一已之見猶儒者尊陸尊
朱異同之論紛紛莫一越
人張景岳蓋醫而良者也
天分旣高師古復細是能
融會乎百家而貫通乎諸
子者名其書曰全其自負
亦可知矣他不具論觀其

逆數一篇逆者得陽順者
得陰降以升爲主此開陰
陽之秘蓋醫而仙者也世
有以仙爲醫而尙不得謂
之良哉而或者曰醫生道
也兵殺機也醫以陣名母
乃不倫乎不知元氣盛而

外邪不能攻亦猶壁壘固
而侵刼不能犯也况兵之
虛實成敗其機在于俄頃
而醫之寒熱攻補其差不
容於毫髮孰謂醫與兵之
不相通哉若將不得人是
以兵與敵也醫不得人是

以人試藥也此又景岳以
陣名篇之微意也是書爲
謙菴魯方伯任粵時所刻
紙貴五都求者不易轉運
使賈君明於順逆之道精
于升降之理濟世情殷重
登梨棗予于庚寅孟冬奉

天子命帶星就道未獲觀其告
竣閱兩月賈君以札見示
景岳全書重刻已成命予
作序余雖不敏然以先文
正公良醫良相之意廣之
皇土
安知昔日之張君足爲良
醫而異日之賈君不爲良